

Полный сборник канонов и молитв святителю Николаю,
архиепископу Мирликийскому

Каноны Октоиха, восьми гласов

Г л а с 6

Начало канона см. 01 - Начало канонов.doc

Песнь 1

Ирмос: Чувственный фараон потоплен бысть со всевоинством, Израиль же, прошед посреде моря, вопиаше: Господеви Богу нашему поим, яко прославися.

Припев: Святителю отче Николае, моли Бога о нас¹.

На небесех живый радостно, отче премудре, на земли верою согласно тебе поющих всякую скорбь сердца лукавую разжени ходатайством твоим.

На страсти вредныя, на враги тлетворныя, на всякую лстиваго злобу укрепи ныне, отче Николае, к покрову твоему святому верою притекающия.

Слава: Уязвленных нас от невидимых стрелец, врачеством твоея, Николае, молитвы претвори, яко да здраво ходити нам по путем Господним.

И ныне, Богородичен: Иже сый со Отцем соприсносушный Сын, напоследок, восхотев, вселися в ложесна Твоя на наше, Богородице, верных отрождение: темже воспеваем Тя.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 3

Ирмос: На твердем веры Твоея камени помышление утвердив души моея, утверди, Господи, Тя бо имам, Блаже, прибежище и утверждение.

Победы яве на душеленныя страсти приял еси, Николае всеблаженне, от нихже зле всегда побеждаемых нас твоими молитвами избави.

Уды плотския умертвив воздержанием, к жизни прешел еси нестареющейся, юже и нам восприяти молися, мудре, радостно восхваляющим тя.

Слава: Посещати нас от небесных высот не престай, святителю, отгоня всю житейскую тесноту, к Богу твоими молитвами.

И ныне, Богородичен: Разрешение нам грехов дати, Чистая, Избавителя умоли, помрачение все от душ наших присно Твоими молитвами разгоняющи.

Моли Бога о нас, святителю отче Николае, яко мы усердно к тебе

¹ Этот припев повторяется перед первыми двумя (или тремя, если есть третий) тропарями канонов святителю Николаю, в каждой песне.

прибегаем, скорому помощнику и молитвеннику о душах наших.

Господи, помилуй. (Трижды.)

(Если по 6-й песни читается акафист, то перед седальнами читаем кондак и икос.)

Седален, глас 4

Предстатель теплейший Церкви Христовы показался еси, Николае, и ересей безбожная учения разрушая со дерзновением, и правило показался еси всем Православия, о всех моляся последующих твоим Божественным учением и наказанием.

Слава, и ныне, Богородичен

Скоро прими, Владычице, молитвы наша и сия принеси Твоему Сыну и Богу, Господже всенепорочная, избави обстояний к Тебе притекающих, сокруши коварства и низложи дерзость вооружающихся безбожных, Пречистая, на рабы Твоя.

Песнь 4

Ирмос: Услышах слух Твой и убоихся, разумех дела Твоя и ужасохся: слава силе Твоей, Господи.

Уврачуй, святе, уязвленное от лстиваго неисправленное сердце мое, умолив благодавца, Бога нашего, Николае.

Сокрушил еси капища погибели, Христов угодниче, темже верою молю тя, Николае, ума моего злобныя кумиры потреби.

Слава: Мiroдохновенен был еси праведными делесы, богомудре, и в Мирех украсил еси престол, отче святителю Николае.

И ныне, *Богородичен:* Безневестная Владычице, благословенная Богородительнице, поющия Тя спасай от всякаго вреда, едина человек помощнице.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 5

Ирмос: Свет возсиявый миру, Христе, просвети сердце мое, от нощи Тебе зовуща, и спаси мя.

Дреманием лености одержима, усердно мя устрой священными ходатайствы твоими, Николае.

Иисуса Спаса умоли, святителю Николае, вечнаго мя избавите мучения.

Слава: Мирских мя соблазн соблюди, и от бесовскаго озлобления, молитвами твоими, святителю Николае.

И ныне, *Богородичен:* Еже быти нам подавая, в Твою утробу вселися Богородице, Егоже моли спасти нас.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 6

Ирмос: Кітом пожрѣн грехóвным, вопію Тебѣ, Христе: яко пророка, из ислѣния мя свободі.

Светільника тя разумнаго имущи тварь, Никóлае, просвещается зарями неисчѣтных чудес твоих.

Недреманный моли́твенниче к тебѣ притека́ющим, Никóлае, от сна злаго лѣности избáви мя.

Слава: Избáвил еси́ дрѣвле, мѹдре, хотя́щия неправедно умрѣти, такожде и менѣ избáви от бед и прегрешѣний, Никóлае.

И ныне, *Богородичен:* Дѣво едина́ чистая, обра́дованная, помози́ ми, прісно обурева́ему житѣйскими напа́стьми.

Моли́ Бóга о нас, святітелю óтче Никóлае, яко мы усѣрдно к тебѣ прибега́ем, скóрому помóщнику и моли́твеннику о душа́х на́ших.

Гóсподи, помілуй. (*Трижды.*) Слава, и ныне.

Кондак, глас 3

В Мірех, свя́те, священноде́йствитель показáлся еси́, Христо́во бо, преподо́бне, Ева́нгелие испóлнив, положи́л еси́ ду́шу твою́ о лю́дех твоих и спасл еси́ неповінныя от смѣрти. Сего́ ради освяти́лся еси́, яко вели́кий таи́нник Бóжия благода́ти.

Икос

Воспойм ны́не святітеля пѣсньми, мірским лю́дем па́стыря и учітеля, да моли́твами его́ просветі́мся: се бо яви́ся чист весь, нетлѣнен ду́хом, Христу́ принося́ жѣртву непорóчну, чисту, Бóгу благопри́ятну, яко святітель, очи́щен и душе́ю и тѣлом, тѣмже сый істи́нно Цѣркве предста́тель и побóрник сея́, яко вели́кий таи́нник Бóжия благода́ти.

(Если читается акафист, то кондак и икос читаются по 3-й песни, перед седальнами.)

Песнь 7

Ирмос: Преподо́бных Твоих отроко́в моли́тву услы́шавый и пещь горя́щую оросі́вый, благословѣн еси́, Гóсподи Бóже о́тец на́ших.

Си́лою Бóжиею, преблаже́нне, ерети́чествующих полки́ попрáл еси́, и от тех прѣлести ста́до твоѣ спасл еси́, Никóлае.

Явле́йся пла́вающим, и твой град препита́л еси́ стра́ждущ; душетлѣннаго мя гла́да избáви моли́твами твоими́, óтче Никóлае.

Слава: Утверди́, óтче, моли́твами твоими́ тебѣ призыва́ющия на по́мощь, Никóлае, утиша́я бесóвскую лука́вую бѹрю.

И ныне, *Богородичен:* Влады́чице всех челове́к, святáя Богороди́це, рабóты мя стра́стныя Твоими́ моли́твами до конца́ свободі.

Моли́ Бóга о нас, святітелю óтче Никóлае, яко мы усѣрдно к тебѣ прибега́ем, скóрому помóщнику и моли́твеннику о душа́х на́ших.

Песнь 8

Ирмос: Преподобнии Твои отроцы в пещи Херувимы подражаху, Трисвятую песнь воспевающе: благословите, пойте, и превозносите во вся веки.

На высоту жития светлейшаго востек, явился еси и знаешь вселенней, богоносне, чудодеянии различными просвещая сущих во тьме, Николае.

Облагодати Божественне бодрствующия, ты чтущия, Николае, успи злобу враждующих человек, на нас находящих, блаженне.

Слава: Иже вся сети вражия крепостию сокрушив духовною, от тех избави мя твоими молитвами, окормляя живот мой, богомудре святителю Николае.

И ныне, *Богородичен:* Поём Тя, Дево Богородительнице, Еяже ради клятва неплодна бысть и благословение всем прииде ведущим Тя, едину Матерь Бога нашего безмужную.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Песнь 9

Ирмос: Еже радуйся от ангела приемшая и рождающая Создателя Твоего, Дево, спаси Тя величающая.

Святителей удобрение, чудес источнице, Николае, умоли Бога Человеколюбца, обрести нам грехов оставление.

Якоже древле узники избавил еси от смерти; тако и нас избави искушений житейских, Николае.

Ты в Мирех Ликийских погребен был еси, миро точиши всегда Николае, зловония страстей отгоняя присно.

Слава: Зиждителя пришествие при дверех, не ленися, душе моя, но возопий: Николая молитвами, Христе, спаси мя.

И ныне, *Богородичен:* Свет рождающая, всепетая, сердца моего зеницу ослепшую просвети, да пою Тя, иже Тебе ради спасаемь.

Моли Бога о нас, святителю отче Николае, яко мы усердно к тебе прибегаем, скорому помощнику и молитвеннику о душах наших.

Окончание канона см. 14 - Окончание канонов.doc